









Case

F

39

.326

1616 du



DISCOVRS SOVS LE NOM DE  
Mr. du Vayr rendant les Seaux au Roy.

SIRE, Je remets volontiers entre vos-  
mains la charge d'ôt il vous a plu m'hon-  
orer, & avec le mesme visage que ie l'auois  
reçue sans la demander, ie la quitte sans la  
auoir regret: les loix m'auoient assez appris  
d'obeyr à V. M. sans qu'il fut besoin m'en-  
uoyer querir par vostre Capitaine & vingt  
Archers. La violence ne se doit employer  
que contre ceux qui resistent, & non pas  
contre moy qui sçay bien obeyr, & qui ay  
toufiours estimé cest honneur plustost vn  
pesant fardeau qu'une dignité, que i'auoies  
neantmoins acceptée pour le bien de vostre  
seruice, pource que tout homme de vertu  
doit son soing & ses annees au bien public,  
& qu'il y eut eu de la honte refuser de mou-  
uoir le timon a la main pouuât empescher ou  
pour le moins retarder le naufrage qui  
nous menace. Dieu veille SIRE, que ce  
soit moy qui perde le plus en ceste desfa-  
ueur, & que vostre Estat y soit le moins in-  
teressé, ie ne suis point surpris en cest acci-  
dent, ayât toufiours bien preueu que com-  
me ie suiuois le plus pres qu'il m'estoit pos-  
sible l'integrité & la vertu d'aucuns anciens

& bons seruiteurs de vostre Couronne, ie  
 deuois aussi attendre semblable dilgrace,  
 vostre commandement s'accorde en cela  
 a i'choix que i'eusse fait si i'eusse eu pleine  
 liberté, aymât beaucoup mieux estre com-  
 pagnon de leur faueur, (si ie dois ainsi nom-  
 mer vn desambaras d'affaires) que d'estre  
 employé au maniment de l'Estat avec ceux  
 qui y demeurent, pouuant prendre avec le  
 temps vne mauuaise teinture, & la commu-  
 nité de ces gens là, auxquels ie n'en uie  
 point le surcroist d'autorité qu'on leur dō-  
 ne a mes despens, & ce que ie deplore plus  
 du public & de V. M. car i'en ay point ac-  
 custumé de redre cōte de mes actiōs tous  
 les soirs & matins a la destrobce, & ne veux  
 point aussi qu'ō me prescrive ce que ie dois  
 faire, si le bien del'Estat & la Iustice ne me  
 le conseillent, il m'est bien plus honorable  
 de me retirer ainsi, que d'auoir trahi V. M.  
 en scellant vn contant de Trois millions  
 huit cens mille liures dans la gran de ne-  
 cessité del'Espargne, pour fournir au bene-  
 fice d'vn homme qui ne rougit point, outre  
 cela, de demāder le Duché d'Alençon par  
 engagement: Appannage de fils de Frâce,  
 & de pretendre à la charge de Connestable  
 que le feu Roy auoit voulu expressement



estre supprimé apres la mort de feu Monsieur  
 de Montmorency. Ne croyez pas SIRE,  
 que n'ayant pas donné mon consentement  
 a cela, ie me suis voulu opposer a vostre au-  
 thorité, ie scay bien qu'elle n'a point d'au-  
 tre bornes que celle de vostre volôré, mais  
 si estes vous obligé de vous réigler selon la  
 raison, & de suivre le Conseil de ceux qui  
 sont vieillis au maniement de l'Estat par le  
 choix qu'en auoit fait le feu Roy, comme  
 estant le plus capables de le vous donner,  
 que de nouueaux venus tirez de la lie des  
 affaires & des peuples, C'est eschange que  
 l'on faict de nous a eux, c'est le traité des  
 loups avec les brebis auxquels l'on oste les  
 chiens. V.M. ne s'en apperçoit pas, ou s'elle  
 s'en apperçoit elle n'ose y remédier de peur  
 de desobeyssance. SIRE, vous la deuez  
 par nature a ceux qui vous la présentent,  
 mais ceux là mesmes vous la doiuent de  
 droit diuin & humain: Quant vous ne leur  
 en rendrez point ils ne vous en ont donné  
 que trop d'exemple. Souuenez vous s'il  
 vous plaist que vous auez quinze ans passés  
 & que les Roys sont maieurs a quatorze,  
 Isaac suiuoit Abraham son pere de son bon  
 gré pour estre immolé, pource qu'il n'estoit  
 pas encor en aage de pouuoir résister.

Je croy que s'il eust esté homme fait, &  
 qu'il eut preueu le danger, qu'il n'eust pas  
 luy mesme porté le buchet sur les espauls,  
 il n'y à eu que feintes en ces sacrifices, Dieu  
 nous veille garder en ces occasions icy de  
 l'effect. Car quand ie voy que l'on fait  
 mouoir comme on veut l'autorité de la  
 Cour, & qu'on cree & depose les officiers  
 de la Couronne, sans que personnes y met-  
 te empeschement, les Princes du sang, l'un  
 ayant esté emprisonné, l'autre ciuilement  
 arresté, & les autres Princes s'estant retirez  
 pour la secreté de leurs personnes, quand  
 ie voy qu'entre les Seigneurs ceux ausquels  
 l'on fait voir quelque ombre de meilleure  
 fortune, prestent laschement la main pour  
 leur seruitude. Que ceux qui sont paruenus  
 a quelque establisement en ceste nouveauté  
 la maintiennēt a tort & a trauers de peur  
 de retourner en la misere de leur premiere  
 condition, Ioint aussi qu'il semble que le  
 peuple & les Prouinces souffrent ces chan-  
 gements à l'exemple des grands: voyant  
 que l'ayde des loix est inutile, tout estant  
 en desordre par brigues, par violences, &  
 par corruption. Le Louure mesmes a pris  
 vne nouvelle face aussi bien que les affaires,  
 il n'y reste plus rien de la vieille tour que



les murailles, desquelles en cores l'usage a  
 esté changé & qui ont esté bricees pour fa-  
 ciliter la continuation des sales menees &  
 intelligences, elles auoient aecoustumé de  
 seruir pour l'assurance des Princes, & elles  
 seruent maintenant pour leur prison, &  
 pour la vostre peut estre s'il est permis de le  
 dire, car on ne vous donne point sans des-  
 seing quand vous sortez vne compagnie  
 de cheuaux legers choisis d'vne main su-  
 specte, ce sont vos gardes (ala mode de la  
 ; astille) ceste desfiâce vostre, cōseille-  
 sez ce que deuez faire sans qu'il soit besoing  
 d'vn autre aduis. Souuenez vous aussi que  
 les Conseils estrangers ont chassé les natu-  
 rels de vostre Palais, & qui par la ont projet-  
 té l'vsurpation & le demembrement de vo-  
 stre Royaume, on m'y a siflé, on se moque  
 de moy & de mon discours, on en faict au-  
 tant de la Cassandre d'Homere quant elle  
 predict la destruction de Troye. SIRE, il  
 ne me reste plus que la langue pour vous  
 seruir, si i'e loïs si heureux de vous pouuoir  
 tirer de l'erreur ou vous estes nourry, ie be-  
 nirois mille fois ma disgrâce qui m'auroit  
 donné l'audace de parler si librement au  
 temps ou les parolles mesmes sont punies,  
 la fauacité de l'Aleoran n'est authorisée

qu'en ce qu'il est deffendu d'en parler sur  
 peine de la vie, l'vsurpation que l'on fait de  
 vostre autorité ne prend pied que du peril  
 qu'il y a de le vous dire librement. Consi-  
 derez s'il vous plaist que ceux qui prennēt  
 du pouuoir sont du pays ou chascun veut  
 regner, c'est pourquoy il n'y a ville au dela  
 des Alpes qui n'aye la Republique ou son  
 Roytelet. Et si V. M. auoit vn peu mis le  
 nez en vostre Histoire, elle auroit appris  
 que les plus sanglantes tragedies qu'on a  
 iamis veues en France, sont venues de cz  
 costé là. Les dernieres furent le subiet d'un  
 petit liure que j'ay mis en lumiere, de la  
 constance & consolation & calamitez pu-  
 blicques, j'ay bien peur que contre mon  
 dessein, ce ne soit vn ouurage pour vostre  
 regne: si la bonté de Dieu n'a pitié de nous.  
 Ne pensez pas SIRE, que le desplaisir de  
 me voir esloigné des affaires, produise vn  
 discours si hardy, si i'en ay eu du regret,  
 c'est eōme les mariees qui pleurent de sortir  
 hors de la puissance paternelle, pour entrer  
 en l'egalité du Mariage, il est vray neant-  
 moins que vous deuant mon seruice, i'eusse  
 eu plus de contentemēt de l'employer dās  
 vos Conseils d'Etat que dās vos Parlemēts  
 ou les matieres sōt de moindre importāce.



Car ie m'imaginois que si le Charpentier qui fit l'entablage de l'Amiralle ou cōmenda Dom Jean d'Autriche à la bataille de l'Épanthe, eust sçeu qu'elle eust deu servir en vne occasion si importante d'ou dependoit le salut du reste de l'Europe, il eust pris plus de plaisir à la faire que si s'eust esté pour vn vaisseau destiné au commerce. Neantmoins puis que V. M. me commande de me retirer, a la bonne heure, les moindres estoilles font partie de la perfection de l'univers quoy qu'elles y contribuent moins que le Soleil & la Lune. En quelque condition que ie viue, j'apporteray tousiours au bien de vostre service tout ce qu'il me sera possible. Qu'es'il y a quelques vns de ceux qui sont auprès de vous qui plaignēt mon eslongnement pour l'amour de moy, ie leur dirois volontiers plourez sur vous enfans de Ierusalem, qui par faute de courages laissez trahir vostre maistre, & non sur moy qui n'ay autre crime que de l'auoir serui en homme de bien. Je prends donc congé de V. M. SIRE, priant Dieu qu'il vueille auoir pitié de vostre Estat & nourriture.















































